



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

30 Missarum celebrandarum numerus quando, & quomodo reduci poßit.

urn:nbn:de:hbz:466:1-10316

commutat, *cap. pervenit, de jurejuran.* Ca-
jet. 2. 2. *quæſt.* 88. *art.* 12. & Graff. *c.* 30.
par. 1. *lib.* 1. *n.* 1. Et quæcunque vota ſim-
plicia in ſæculo facta, ſive perſonalia, ſive
realia, ingreſſu religionis extingui cenſen-
tur. S. Thom. 2. 2. *q.* 88. *art.* 1.

25 Commutatio ꝑ voti in æquale opus fie-
ri debet ex aliqua cauſa rationabili, & cum
ſuperioris auctoritate, *c.* 1. *x. de vot. &*
vot. redempt. & Cajet. 1. 2. *quæſt.* 88. *art.*
12. quæ auctoritas requiritur etiam, quan-
do dubitatur, an in æquale, vel melius
commutetur, *Sot. lib.* 5. *quæſt.* 4. *art.* 3. &
Graff. *eadem quæſtione* 30. *num.* 6. In
voti commutatione ꝑ locum, tempus, la-
bor, ſumptus in itinere faciendi, præter il-
los, quos domi ſuæ feciſſet, corporis affli-
ctio, & alia ſimilia ſunt ſubtiliter conſide-
randa, ut in æquipollens poſſint commutari.

2 Quando ꝑ verò Jubilæi, aut privilegio-
rum vigore commutatio fieri poteſt, con-
feſſarius ad expenſas, & labores in eundo
tantum, non autem in redeundo rationem
habere debet, quia vovens ſolum ire, non
autem redire vovit, & his omnibus conſi-
deratis, confeſſarius debet in aliud pium
opus dictas expenſas, & labores commu-
tare, & in tantam quantitatem pecuniæ
puellæ nupturæ, vel in fabricam, aut reſtau-
rationem alicujus eccleſiæ, ſeu quid ſimile
tradendam, convertere. Aut votum pe-
grinationis in aliud opus, in quo perſona
exerceatur, & fatigetur, ut in operibus cor-
poralibus pro aliqua fabrica eccleſiaſtica,
vigiliis, orationibus, & jejniis. Ant. de
Butt. in *cap. magna, num.* 6. *de vot. & vot.*
redempt. & Graff. *eod. cap.* 30. *n.* 10.

28 Commutari ꝑ etiam poteſt votum fa-
ctum intuitu certæ perſonæ, vel loci, vel
de dando aliquid tali pauperi, vel tali ec-

cleſiæ, quia eſt promiſſio facta Deo, S.
Thom. 2. 2. *quæſt.* 88. & cum Deo ſatis-
fiat per commutationem in æquale aucto-
ritate Episcopi, abſque conſenſu illius per-
ſonæ, vel eccleſiæ (dummodo cauſa ſub-
ſit ex parte voventis) fieri poteſt commu-
tatio; Graff. *d. c.* 30. *num.* 12. & Navar. *de*
red. Eccle. *q.* 1. *mon.* 60. *num.* 1. inquit,
quoddam à Papa poteſt commutari, ſed puto,
& ab Episcopo commutari poſſe, de con-
ſenſu voventis, cum tali loco, vel perſonæ,
nō ſit jus quæſitū, quaſi res devota ſit ſua,
quia nec eis, nec aliquibus pro eis acceptan-
tibus, ſed Deo ſit facta pollicitatio. Graff.
cap. 1. *num.* 11. & donans aliquid alicui,
ut poſt aliquod tempus perveniat ad al-
quam eccleſiam, poteſt illud onus remit-
tere, donatario conſentiente, non obſtan-
te quoddam eccleſiæ ſit quæſita utilis actio,
Bar. in *l. qui Romæ, §. Flavius, nu.* 1. & ibi
Jaf. qui hanc dicit eſſe comm: opin. *n.* 14.
ff. de ver. obl. & Navar. eod. mon. 60.
num. 2.

29 An autem ꝑ poſſit Episcopus legatum ad
unum uſum factum in aliū mutare. Regu-
lariter non poteſt, ſed requiritur ſedis A-
poſtolicæ auctoritas, Clem. *quia contin-*
git, ubi etiam glo. in *ver. ſedis Apoſtolicæ,*
de relig. dom. Felln. in *c. cum acceſſiſſent n.*
17. in *fin. de conſt.* & ibi Dec. *num.* 11. Co-
vat. in *c. ſuanum.* 7. *de teſtam.*

30 Verum, ꝑ cum in quibusdam eccleſiis
ſæpe contingat, vel tam magnū Miſſarum
celebrandarum numerum ex variis defun-
ctorum relictiſis impoſitum eſſe, ut illis ſin-
gulis diebus à teſtatoribus præſcriptis ne-
queat ſatis fieri, vel eleemoſynam hujusmo-
di pro illis celebrandis a deo tenuem eſſe,
ut non facile inventiatur, qui velit huic ſe-
muneri ſubjicere, unde depereunt piæ te-
ſtantium

stantium voluntates, & eorum conscientias, ad quos prædicta spectant, onerandi occasio datur; ideo sancta Tridentina synodus cupiens hæc ad pios usus relicta, quò plenius, & utilius potest impleri, facultatem dedit Episcopis, ut in synodo diocesana, itemq; Abbatibus, & Generalibus ordinum, ut in suis capitulis generalibus, re diligenter perspecta, possint pro sua conscientia in prædictis ecclesiis, quas hac provisione indigere cognoverint, statuere circa hæc, quidquid magis ad Dei honorem, & cultum, atque ecclesiarum utilitatem viderint expedire, ita tamen, ut

31 eorum semper defunctorum commemoratio fiat, qui pro suarum animarum salute legata ipsa ad pios usus reliquerunt, ut in cap. 4. de resor. sess. 25. & hic de pluribus dubitatur.

32 Primò, ¶ an facultas Episcopis, Abbatibus, & ordinum Generalibus in præmissis concessa se extendat etiam ad inferiores, nempe Præpositos, Rectores, Priores, & alios collegiarum aut aliarum ecclesiarum Superiores. At cum sacrum concilium de inferioribus non loquatur, nec nos facultatem huiusmodi ad illos extendere debemus. Et quòd inferiores in ea facultate non comprehendantur, fuit à sacra congregatione declaratum *super eod. cap. 4. §. nec habere. vers. capitulis generalibus.*

33 Secundò, dubitatur, ¶ an dictum decretum extendatur, & procedat tam in Missis testamento, vel legato sine titulo beneficii ecclesiastici relictis, quam in illis, quæ ex fundatione, aut donatione ecclesiarum, seu altaris celebrari debeat. Et, quamvis eadem ratio militare videatur, & ubi militat eadem ratio, idem jus statui debeat; à verbis tamen Concilii non est re-

cedendum, quòd cum tantummodo disponat super onere Missarum, quæ ex variis defunctorum relictis in quibusdam ecclesiis sunt celebrandæ, & facultas sit restricta, ut ibi, statuere circa hæc, non possunt circa alia quidquam decernere, seu ordinare. Quòd autem ex dicto decreto.

6. 4. non competat Episcopo facultas diminuendi onus à testatore impositum hæredibus pro certis Missis, & anniversariis celebrandis, eleemosynisque erogandis pauperibus, neque in oneribus similibus impositis beneficiatis in fundatione beneficiorum, etiam quòd fructus beneficiorum non sufficiant pro dictis oneribus supportandis, declaravit sacra congreg. *eo. c. 4. in decis. sub tit. Mediolan. & Ravenanen. & melius in §. ex hoc decreto. & §. nec habere.* Cum enim ¶ agatur de commutatione voluntatis defunctorum mente fundatorum ad usus pios disponentium inferior Papæ, etiam si sit sanctæ sedis Apostolicæ legatus alterare non potest. *cle. 2. ante med. & ibi gloss. in verb. sedis Apostolicæ. 1. & Abb. n. 3. de relig. dom. Felin. in c. cum accessissent. n. 17. in fin. de constit. & Graff. decis. aur. par. 1. l. 2. c. 53. n. 11.*

Episcopi ¶ enim non possunt dispensare contra constitutionem beneficii, vel ipsam immutare, aut contra eam venire, sine consensu patroni, ita quòd, si in institutione beneficii collatio est facienda presbytero, non potest Episcopus sine consensu patroni dispensare, ut non presbytero conferatur. *Innoc. in c. fin. de cler. non resid. & post. Ant. Abb. Imol. & Dom. tenet Felin. in d. c. cum accessissent. n. 17. vers. & per hoc dictum, de const. de consensu tamen patronorum possunt ex proxime allegatis, & deductis novissime per*